



Broj predmeta: 10-88/23

Broj akta: 10-105-1/23

Datum: 09.02.2023. godine

Na osnovu člana 64, člana 65 i člana 70 Zakona o javnim nabavkama BiH („Službeni glasnik BiH“, broj: 39/14, 59/22), Zapisnika o ocjeni ponuda, broj: 10-88/23, broj akta: 10-105/23 od dana 07.02.2023. godine, direktor Zavoda za planiranje, projektovanje i razvoj Brčko distrikta BiH donosi sljedeću

ODLUKU

o izboru najpovoljnijeg ponuđača

Član 1

Prihvata se preporuka Komisije za javne nabavke, koja je sastavni dio Zapisnika o ocjeni ponuda u postupku javne nabavke, broj: 10-88/23, broj akta: 10-105/23 od dana 07.02.2023. godine, da se kao najpovoljnija ponuda za javnu nabavku robe „Dizel gorivo“ za potrebe Zavoda za planiranje, projektovanje i razvoj Brčko distrikta BiH, prihvati ponuda ponuđača „KARAMUJIĆ PETROL DOO“ Brčko, Ponuda broj: 1 od dana 06.02.2023. godine sa ponudenom jediničnom cijenom od 2,34 KM bez uključenog PDV-a.

Član 2

Nabavka robe povjeriće se izabranom ponuđaču „KARAMUJIĆ PETROL DOO“ Brčko.

Član 3

Odluka stupa na snagu sa danom donošenja i dostaviće se ponuđačima koji su učestvovali u postupku javne nabavke.

Образложење

Postupak javne nabavke pokrenut je Službenom zabilješkom, broj: 10-88/23 od dana 02.02.2023. godine. Predmet javne nabavke je roba „Dizel gorivo“ za potrebe Zavoda za planiranje, projektovanje i razvoj Brčko distrikta BiH. Javna nabavka je sprovedena putem direktnog sporazuma. Procijenjena vrijednost javne nabavke iznosi 6.000,00 KM bez uključenog PDV-a.

Komisija za javne nabavke formirana Odlukom, broj: 10-88/23, broj akta: 10-88-2/23 od 07.02.2023. godine, sačinila je Zapisnik o ocjeni ponuda, broj: 10-88/23, broj akta: 10-105/23 od dana 07.02.2023. godine u kojem je konstatovano da su u predmetnom postupku javne nabavke zaprimljene ukupno dvije ponude, koje su blagovremeno dostavljene. Riječ je o ponudama ponuđača „HIFA-OIL DOO“ Tešanj i ponuđača „KARAMUJIĆ PETROL DOO“ Brčko. Kako se u Zapisniku navodi, Komisija je nakon pregleda i ocjene pristiglih ponuda konstatovala da je

ponuđač „KARAMUJIĆ PETROL DOO“ Brčko u datom roku dostavio svu potrebnu dokumentaciju i to:

1. Obrazac za cijenu ponude-Prilog broj 1;
2. Izvod iz sudskog registra ili drugi ekvivalentan dokument izdat od strane nadležnog organa kojim se dokazuje pravo na obavljanje predmetne djelatnosti u smislu člana 46 Zakona o javnim nabavkama BiH (kopija);
3. Uvjerenje o poreskoj registraciji (kopija)- u skladu sa članom 21 Zakona o poreskoj upravi Brčko distrikta BiH („Službeni glasnik Brčko distrikta BiH“, br. 11/20), Poreska uprava u roku od jednog dana od dana prijema prijave o osnivanju poslovnog subjekta Osnovnog suda Brčko distrikta BiH određuje, te elektronskim putem dostavlja JIB Osnovnom sudu Brčko distrikta BiH, po postupku i na način propisan Zakonom o registraciji poslovnih subjekata u Brčko distriktu Bosne i Hercegovine. Naime, Poreska uprava od dana 01.01.2021. godine, poreskom obvezniku više ne izdaje Uvjerenje o poreskoj registraciji, nego je JIB broj sada sadržan u Rješenju o registraciji, koje donosi nadležni registarski sud.

U skladu sa navedenim, utvrđeno je da izabrani ponuđač ispunjava kriterijum najniže cijene i tehnički zadovoljavajuće ponude iz Zahtjeva za dostavljanje ponuda broj: 10-88/23, broj akta: 10-88-1/23 od dana 02.02.2023. godine.

Imajući u vidu preporuku Komisije za javne nabavke kao i kriterijum za ocjenu ponude iz Zahtjeva za dostavljanje ponuda odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke nije predviđeno pravo žalbe.

DIREKTOR

Ismet Dedeić, dipl.inž.saobr.



Dostavljeno:

1. Internet stranici/ Oglasnoj ploči Zavoda za planiranje, projektovanje i razvoj Brčko distrikta BiH;
2. Sektoru za planiranje društveno-ekonomskog razvoja i zajedničke poslove;
3. „HIFA- OIL DOO“ Tešanj;
4. „KARAMUJIĆ PETROL DOO“ Brčko;
5. Evidenciji;
6. Arhivi.